

БАНК АЖБОРОННОМАНИ

Банк ходимлари ва тadbиркорларнинг ҳафталик газетаси

ISSN 2010-6602

Сайтимизга ўтиш учун QR-коднинг телефонингиз орқали сканер қилинг.



1995 йил январдан бошлаб нашр этилмоқда

№28 (1155), 2018 йил 12 июль

«Энг фаол ёш банк ходими»

танлов ғолиблари аниқланди



Жорий йилдаги танловда иштирокчилар сони ўтган даврга нисбатан 500 нафарга ортди. Яъни, танлов республика-миз банк тизимида меҳнат қилаётган 2500 нафарга яқин иқтидорли ёшларни қамраб олди.

Маълумки, «Энг фаол ёш банк ходими» танлови 2014 йилдан буён ҳар икки йилда Ўзбекистон давлат муассасалари ва жамоат хизмати ходимлари касаба уюшмаси республика Кенгаши, Ўзбекистон Республикаси Марказий

банки ва Ўзбекистон банклари ассоциацияси билан ҳамкорликда ташкил этиб келинмоқда.

Мақсад – ёшларнинг ҳар томонлама етук мутахассис бўлиб камол топишига бўлган интилишларини қўллаб-қувватлаш, иқтидорли ёш мутахассисларни рағбатлантириш, ёш авлод вакиллариди Ватан туйғуси ва мамлакатда рўй бераётган воқеаларга дахлдорлик ҳиссини оширишга кўмаклашишдан иборатдир.

(Давоми 8-бетда).

Пенсия ва нафақа тўловлари ўз вақтида эгаларига топширилмоқда

Президентимизнинг «Пенсиялар ва нафақалар тўлаш механизмини янада такомиллаштириш чора-тадбирлари тўғрисида»ги қарорига асосан 2017 йилнинг июль ойидан бошлаб республикаимизнинг барча ҳудудларида пенсия тўловлари Акциядорлик-тижорат Халқ банки филиаллари орқали тўланмоқда.

Муассасанинг барча филиалларида пенсия ва нафақа пулларини тарқатиш бўйича жами 2 000 та сайёр касса ташкил қилиниб, уларда 590 та «Дамас» русумли ҳамда тоғли ва чўл зоналари учун 11 та «УАЗ-Хантер» автомашиналари хизмат қилмоқда.

Пенсия ва нафақа олувчи аҳоли қатламнинг ёшини инобатга олиб, сайёр кассаларга 4000 нафар коллеж битирувчиси ишга қабул қилинди. Уларга фуқаролар би-

лан мулоқотда муомала маданиятига алоҳида эътибор қаратишлари бўйича махсус курслар ташкил этилди.

Пенсия жамғармаси билан ҳамкорликда эса «СМС-пенсия» хизмати жорий қилинди. Ушбу интерактив хизмат орқали пенсионерларнинг мобил алоқа воситаларига тўланган пенсия миқдори, муддатлари тўғрисида бепул маълумот юборилиши таъминланмоқда.

(Давоми 2-бетда).

FINANCEUZ хабар қилади

«Ўзсаноатқурилишбанк»нинг жаҳон фонд бозоридаги иштироки кучаяди

«Ўзсаноатқурилишбанк» акциядорлик-тижорат банки жаҳон фонд бозори етакчиларидан бири бўлган «Freedom Finance» компанияси билан инвестициялар бўйича воситачилик йўналишида ҳамкорликни йўлга қўйди.

Эндиликда банкнинг қimmatли қoғoзлари бўйича операциялари ушбу юқори тажрибага эга бўлган компания орқали амалга оширилади. Бунда «Freedom Finance» фонд бозорида «Ўзсаноатқурилишбанк»нинг қimmatли қoғoзлари ва пул маблаглари ҳисобини юритиши, қimmatли қoғoзларга доир битимлар ва операцияларни бажариши билан бирга муассасага ин-

весторлар ҳамда янги акциядорларни жалб этиш чораларини кўради.

Мазкур нуфузли халқаро компания билан ҳамкорликда ишлаш «Ўзсаноатқурилишбанк» қimmatли қoғoзларининг нафақат мамлакатимиз, балки бутун дунёда жозибадорлигини ошириб, унинг даромадлилиги ва ликвидлилигини таъминлашга ҳамда капиталининг мустаҳкамланишига хизмат қилади.

«ЁШЛАР КЕЛАЖАГИМИЗ»

Ўз сўзию бизнесига эга ёшлар

Ишсизлик ҳар қандай кишини ғамга ботиради. Ҳатто оиласи олдида ҳам ҳижолатга қўяди. Қўлингдан иш келсаю, уни амалга оширолмасанг.



Бундай аламли ҳолдан ёмони бўлмаса керак. Афсуски, бундай синовдан эндигина ҳаёт пиллапоясини босаётган аксарият ёшларнинг ҳар бири ўтиши керак.

Йилига юз минглаб ёшларимиз ана шундай муаммолар қуршовида қолади. Мактабни, коллежни битиргач, олий ўқув юртига қабул қилинмаган ёшлар ўз йўлини қидиришни бошлайди. Хўш, улар нима қилсин?

Тadbиркорлик дейсизми? Топдингиз! Маблаг бўлмаса-чи? Кредит олсин дейсизми? Яна топдингиз. Фақат уни тўғри сарфлашни ўрганса бўлгани. Чунки уни қайтариш ҳам керак-да.

(Давоми 2-бетда).

УШБУ СОНДА:

Ҳамкорлик
Тижорат
банкларининг
халқаро молия
муассасалари
билан ҳамкорлиги.
2-бет.



Қонунчилик
ЎзР Марказий
банкнинг
янги меъёрий-
ҳуқуқий
ҳужжатлари.
3-7-бетлар.

Банклар
томонидан
жорий
қилинган
янги
омонатлар.
8-бет.



FINANCEUZ хабар қилади

БАНКЛАРДАН ХАБАРЛАР

«ТРАСТБАНК» ХАБ ВА ХУСУСИЙ СЕКТОРНИ РИВОЖЛАНТИРИШ БЎЙИЧА ИСЛОМ КОРПОРАЦИЯСИ ЎРТАСИДА БИТИМ ИМЗОЛАНДИ

Ушбу келишувга жорий йилнинг 9 июль куни «Траст-банк» хусусий акциядорлик банки бошқаруви раиси Сардор Нормухамедов бошчилигидаги делегациянинг Жидда шаҳрига (Саудия Арабистони) амалга оширган ташири доирасида эришилди.

Мазкур битимнинг имзоланиши 2017 – 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси ва Президентимизнинг 2017 йил 20 декабрдаги «Халқаро ва хорижий молия институтлари билан ҳамкорликнинг самарадорлигини янада ошириш чора-тадбирлари тўғрисида»ги 3439-сонли қарорида белгиланган устувор вазифаларни амалга ошириш йўлида муҳим воқеа бўлди.

Келишувдан кўзланган мақсад – Ўзбекистон Республикасида замонавий технологик ускуналар ва бошқа асосий воситаларни сотиб олиш йўли билан кичик бизнес ва хусусий тадбиркорликни ривожлантиришга қаратилган бўлиб, унинг шартларига кўра, тақдим этиладиган лойиҳалар шариат қонунига мувофиқ бўлиши лозимдир.

Шубҳасизки, мазкур кредит линияси банк томонидан кўрсатилаётган хизматлар кўламини кенгайтиришга, кичик бизнесни ва хусусий тадбиркорликни жадал ривожлантиришга, қолаверса, янги иш ўринларининг яратилишига хизмат қилади.

«АГРОБАНК» ВА ХУСУСИЙ СЕКТОРНИ РИВОЖЛАНТИРИШ БЎЙИЧА ИСЛОМ КОРПОРАЦИЯСИ КЕЛИШУВИ

«Агробанк» акциядорлик-тижорат банкида Хусусий секторни ривожлантириш бўйича Ислам корпорацияси вакиллари билан икки томонлама ҳамкорлик юзасидан учрашув бўлиб ўтди.

Унда «Агробанк» ва Хусусий секторни ривожлантириш бўйича Ислам корпорацияси ўртасида 10 млн. АҚШ доллари миқдорида исломий молиялаш линияси бўйича келишув имзоланди.

Ушбу маблағлар ислом шариати қоидалари асосида тадбиркорлик субъектларининг инвестицион лойиҳаларини молиялаштириш учун 5 йил муддатгача йўналтирилиши кўзда тутилган.

Тадбирда томонлар келгусида қўшимча молиялаш линиясини жалб қилиш мақсадида икки томонлама ҳамкорликни давом эттириш борасида ҳам келишиб олдилар.

«ASIA ALLIANCE BANK», «KAZAKHEXPORT» ВА «АЛЬФА БАНК» АЖ ШБ ЎРТАСИДАГИ ҲАМКОРЛИК

«Asia Alliance Bank» акциядорлик-тижорат банки «KazakhExport» экспортни суғурталаш компанияси (ЭСК) ва «Альфа Банк» акциядорлик жамиятининг Қозоғистондаги шўъба банки билан биргаликда 1,5 млн. АҚШ долларлик шартномани имзолади.

Банк ташқи иқтисодий фаолиятидаги муҳим йўналишлар сифатида мамлакатимиз иқтисодиёти тармоқларини молиялаштириш учун хорижий молиявий институтларнинг ресурсларини жалб қилиш, ўз мижозларининг кредит манбаларига бўлган талабини қондириш ҳамда нуфузли чет эл молия ташкилотлари фаолиятида фаол иштирок этишдан иборатдир.

Унинг Қозоғистон молия муассасалари билан йўлга қўйган ҳамкорлиги ҳам шу мақсадга қаратилган бўлиб, бунда ўзаро битилган шартномага кўра, «KazakhExport» ЭСК «Asia Alliance Bank» АТБ томонидан чиқарилган аккредитивларга суғурта қопламаларини тақлиф этган бўлса, «Альфа Банк» АЖ ушбу аккредитивни тасдиқловчи ва молиялаштирувчи муассаса сифатида қатнашди.

«KazakhExport» ЭСК – давлат суғурта агентлиги бўлиб, асосий фаолияти Қозоғистонда экспортни қўллаб-қувватлаш, ушбу турдаги амалиётларни ҳимоялаш бўйича суғурта воситаларини амалга оширишдан иборатдир.

Ўз сўзию бизнесига эга ёшлар

(Давоми. Бошланиши 1-бетда).

Бугун ўз ўрнини тадбиркорликдан топаётган шижоатли, мустақил фикрга эга ёшларимиз кўпайиб топилади. Ана шундайлардан бири Самарқанд вилояти Оқдарё тумани Лоиш шаҳарчасида истиқомат қилувчи Сурайё Насимовадир. У ҳам неча йилдирки, оиласига кўмақдош бўлиш ниятида тиним билгани йўқ. Гоҳ тикувчилик, гоҳ қандолатчилик каби турли ҳунарларни миридан сиригача ўрганди. Унинг бир-биридан чиройли тиккан кўйлаклари барчага манзур бўларди. Шу сабаб кичик бўлса-да, тикувчилик цехини ишга туширишни ният қилди. Унинг бу саъй-ҳаракатларини Ўзбекистон ёшлар иттифоқи туман Кенгаши ҳамда «Микрокредитбанк» АТБнинг туман филиали қўллаб-қувватлади. Унга 25 млн. сўм миқдорда кредит ажратилиб, тикувчилик учун керакли жиҳозлар олиб берилди. Айни кунда у ўзи каби тўрт нафар тенгқуруни иш билан таъминлаб, чиройли ёзги кийим-кечаклар ишлаб чиқармоқда.

– Ишни бошлаганимизга ҳали кўп бўлмаган бўлса-да, маҳсулотларимиз бозорларимизда яхши сотилипти. Харидорларга нархи ҳам, сифати ҳам маъқул бўлмоқда. Шу боис даромадимиз яхшигина бўлаётир. Бунинг учун албатта, бизни қўллаб-қувватлаган ташкилотларга ўз миннатдорчилигини билдираман.

Шундай ёшлардан яна бири тумanning Пичоқчи маҳалласида истиқомат қилувчи Баҳодир Эргашевдир. У ҳам Ўзбекистон ёшлар иттифоқи туман Кенгаши ҳамда



«Микрокредитбанк»нинг туман филиали кўмағида тикувчилик цехига асос солди. Ҳозирда унинг тайёр маҳсулотлари, айниқса, сифатли махсус кийимларига талаб кундан кунга ортиб бормоқда.

– «Микрокредитбанк»дан 25 млн. сўм миқдорда имтиёзли кредит олиб, иш бошлаган эдик, – дейди Б. Эргашев. – Шукрки, қисқа фурсатда фаолиятимиз ўз изига тушиб кетди. Даромадимиз ҳам ёмон бўлгани йўқ. Агар ишимиз шу йўсинда кетса, келгусида фаолиятимизни янада кенгайтириш ниятидаман.

Бўладиган бола, бошдан маълум, деганларидай, бугун ёшларимиз орасида Сурайё ва Баҳодирдек ўз юрти, оиласига камарбаста бўлиб, унинг равнақиға ҳисса қўшаётган ёшларимиз кўпайиб топилади. Уларнинг қай бири билан суҳбатлашманг, ўз режаю орзулари бор.

Бобур МУҲАММАДИЕВ.

Пенсия ва нафақа тўловлари ўз вақтида эгаларига топширилмоқда



(Давоми. Бошланиши 1-бетда).

Бундан ташқари, ушбу хизмат асосида фуқароларга пенсия миқдори ҳисоби ҳамда назоратини юритиш имконияти яратилди.

Жойларда юзага келадиган муаммоларни ўз вақтида аниқлаш ҳамда уларни бартараф этиш мақсадида банк тизимида қисқа рақамли «Ишонч телефони» (11-06) фаолияти йўлга қўйилди. Унга бўладиган мурожаатлар тезкор тартибда ҳал этилиши қатъий назоратга олинди.

Пенсия ва нафақа тўловларини ўз вақтида ҳамда тўлиқ етказилишини таъминлаш, маблағлар ҳаракати устидан доимий назоратни ўрнатиш мақсадида сайёр кассалар учун ажратилган автомашиналарга GPS

қурилмалари ўрнатилиб, ҳар бир фуқарога тўланган пенсия ва нафақаларни «он-лайн» тарзда мобиль қурилма (планшет) орқали қайд қилиш ҳамда автоматик равишда фуқароларни хабардор этиш тизими йўлга қўйилди.

Пенсия жамғармаси ва давлат бюджети маблағларининг мақсадли сарфланишини таъминлаш, почта тизимида кузатилган тўлов қайдномаларига асоссиз ўзгартириш ёки қўшимчалар киритиш ҳолатларига йўл қўймастик мақсадида Пенсия жамғармаси билан ахборот алмашинуви йўлга қўйилиб, тўлов қайдномаларининг қатъий электрон шаклда юритилиши жорий қилинди.

Бугунги кунда Халқ банки сайёр кассалари томо-

нидан 3 млн. нафардан зиёд пенсия ва нафақа олувчиларга ҳар ойнинг 27-санасига қадар 1,5 трлн. сўмдан ортиқ маблағлар тўлиқ етказиб келинмоқда.

Ҳозирда банк ва жамғарма ҳамкорлигида пенсия ва нафақалар тўловини тўлиқ автоматлаштириш, пенсия олганлигини ёзма равишда тасдиқлаш билан боғлиқ жараёнларни электрон шаклга ўтказиш мақсадида пенсионерларнинг «Электрон гувоҳномаси – ID-card»ни амалиётга татбиқ этиш ишлари олиб борилмоқда.

Ушбу электрон гувоҳномалар келгусида пенсионерлар учун бошқа хизматлардан фойдаланишда имтиёزلарни жорий қилишда қўллаш режалаштирилган.

Ў.А.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

**«Ҳар бир оила – тадбиркор» дастури доирасида кредитлар ажратиш тартиби
тўғрисидаги низомни тасдиқлаш ҳақида**

**Ўзбекистон Республикаси Адлия вазирлигида 2018 йил 9 июнь кун
3022-сон билан давлат рўйхатидан ўтказилди.**

Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги, «Микромолиялаш тўғрисида»ги, «Тадбиркорлик фаолияти эркинлигининг кафолатлари тўғрисида»ги қонунларига мувофиқ, Ўзбекистон Республика-

**Ўзбекистон Республикаси
Марказий банки раиси в.в.б.**

Тошкент ш.,

2018 йил 8 июнь, 20/1-сон

си Марказий банки Бошқаруви ҚАРОР ҚИЛАДИ:

1. «Ҳар бир оила – тадбиркор» дастури доирасида кредитлар ажратиш тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

Т. ИШМЕТОВ

*Ўзбекистон Республикаси
Марказий банки Бошқарувининг
2018 йил 8 июндаги 20/1-сонли қарорига
ИЛОВА*

**«Ҳар бир оила – тадбиркор» дастури доирасида кредитлар
ажратиш тартиби тўғрисидаги
НИЗОМ**

Мазкур Низом Ўзбекистон Республикасининг «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги, «Микромолиялаш тўғрисида»ги, «Тадбиркорлик фаолияти эркинлигининг кафолатлари тўғрисида»ги қонунларига ҳамда Ўзбекистон Республикаси Президентининг 2018 йил 7 июндаги «Ҳар бир оила – тадбиркор» дастурини амалга ошириш тўғрисида»ги 3777-сонли қарорига (бундан буён матнда Қарор деб юритилади) асосан «Ҳар бир оила – тадбиркор» дастури (бундан буён матнда дастур деб юритилади) доирасида тижорат банклари томонидан кредитлар ажратиш тартибини белгилайди.

1-Боб. Умумий қоидалар

1. Мазкур Низомда куйидаги асосий тушунчалардан фойдаланилади:

дастур координаторлари – Қарорга асосан дастур амалга оширилишини мувофиқлаштириш, тизимли мониторинг қилиш ва рўёбга чиқарилшига қўмаклашиш мақсадида белгиланган масъул шахслар;

ташкилий мувофиқлаштирувчи ишчи гуруҳлар – Қарорга асосан Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимларининг биринчи ўринбосарлари раҳбарлигида дастур доирасида амалга оширилаётган ишларни мувофиқлаштириш бўйича тузиладиган ишчи гуруҳлар;

махсус ишчи гуруҳлар – Қарорга асосан инвестициялар, инновациялар, хусусийлаштирилган корхо-

наларга қўмаклашиш, эркин иқтисодий ва кичик саноат зоналари ҳамда туризмни ривожлантириш масалаларига масъул бўлган Қорақалпоғистон Республикаси Вазирлар Кенгаши раиси, вилоятлар ва Тошкент шаҳар ҳокимларининг ўринбосарлари раҳбарлигида аҳолига тадбиркорлик кўникмаларини ўргатиш ва тавсиялар бериш бўйича тузиладиган ишчи гуруҳлар;

худудий ишчи гуруҳлар – Қарорга асосан туман (шаҳар) ҳокимларининг биринчи ўринбосарлари раҳбарлигида тадбиркорлик фаолияти ташкил этишга амалий ёрдам бериш ҳамда мониторинг қилиш бўйича тузиладиган ишчи гуруҳлар;

кредит линияси – тижорат банклари билан дастур доирасида ресурс ажратувчи молия институтлари ўртасида тузилган шартномаларга (Бош келишувга) асосан қарз олувчиларга кредит ажратиш учун очилган кредит линиялари;

қарз олувчилар – тадбиркорлик фаолияти билан шугулланиш истагида бўлган жисмоний шахслар, шунингдек, кичик тадбиркорлик субъектлари ҳисобланган яқка тартибдаги тадбиркорлар, микрофирмалар, кичик корхоналар, деҳқон ва фермер хўжаликлари ҳамда оилавий тадбиркорлик субъектлари;

микрокредитлар – энг кам иш ҳақининг 150 бараваригача миқдорда – оилавий тадбиркорликни ривожлантириш учун, энг кам иш ҳақининг 1000 бараваригача миқдорда – қонун ҳужжатларида белгиланган тартибда давлат рўйхатидан ўтган кичик тадбиркорлик субъектларига ажратиладиган кредитлар.

2. Дастур доирасида қарз олувчиларга Қарорда назарда тутилган ресурслар ҳисобидан кредитлар ажратилади.

2-боб. Дастур доирасида кредит линиялари ҳисобидан имтиёзли кредитлар ажратиш

3. Дастур доирасида имтиёзли кредитлар қарз олувчиларга тадбиркорликни йўлга қўйиш ёки ривожлантириш мақсадлари учун ажратилади.

4. Кредитларнинг фоиз ставкаси йиллик 7 фоиз миқдорда белгиланади. Бунда кредит линияси 3 фоизни, банк маржаси 4 фоизни ташкил этади.

5. Мазкур кредитлар банк балансида алоҳида ҳисобварақларда юритилади.

6. Кредитлар қайтаришлик, тўловлилик, таъминланганлик, муддатлилик ва мақсадли фойдаланиш шартлари асосида берилади.

7. Кредитлар:
илгари олинган кредитларни ёки ҳар қандай бошқа қарзларни қайтариш;

алкоголь ва тамаки маҳсулотлари ишлаб чиқариш;
савдо-воситачиликни амалга ошириш;

умумий овқатланиш ташкилотларининг айланма маблағларини шакллантириш;

ишлаб чиқариш мақсадлари учун ишлатилмайдиган шахсий мулкни сотиб олиш;

маъмурий харажатларни тўлаш, жумладан хизмат автомобиллари таъминоти;

мебель, уяли телефон сотиб олиш, шунингдек алоқа хизматларига тўлов мақсадлари учун ажратилмайди.

8. Микрокредитлар 6 ойгача имтиёзли давр билан 3 йилдан кўп бўлмаган муддатга ажратилади.

9. Кредитлар ушбу кредит ҳисобига амалга ошириладиган лойиҳанинг бизнес-режасига мувофиқ ўзини ўзи қоплаш жиҳатларидан келиб чиқиб 2 йилгача имтиёзли давр билан 5 йил муддатгача ажратиши мумкин. Бунда берилмаган имтиёзли давр ва кредитни қайтариш муддати батафсил асослантрилиши керак.

10. Айланма маблағларни тўлдиришга имтиёзли кредитлар 18 ой муддатгача револьвер кредит тарзида ажратилади.

3-боб. Кредитларни расмийлаштириш

11. Қарз олувчи – жисмоний шахслар кредит олиш учун банкка қуйидаги ҳужжатларни тақдим этади:

ариза;

паспорт нусхаси;

жисмоний шахсларга кредит қайтарилишининг таъминоти сифатида ҳудудларни ижтимоий-иқтисодий ривожлантириш бўйича секторлар раҳбарлари (бундан буён матнда секторлар раҳбарлари деб юритилади) ва маҳалла фуқаролар йиғини томонидан оилавий тадбиркорликни ривожлантириш учун бериладиган имтиёзли кредитлаш бўйича тавсиянома.

12. Қарз олувчи – жисмоний шахсларга кредит қайтарилишининг таъминоти сифатида секторлар раҳбарлари ва маҳалла фуқаролар йиғини томонидан оилавий тадбиркорликни ривожлантириш учун

бериладиган имтиёзли кредитлаш бўйича тавсиянома қабул қилинади.

Бунда тижорат банклари кредитнинг қайтармаслик хатарини суғурталайди.

13. Қарз олувчи – кичик тадбиркорлик субъектлари кредит олиш учун банкка қуйидаги ҳужжатларни тақдим этади:

ариза;

бизнес-режа,

тегишли давлат солиқ инспекциясига охириги ҳисобот даври учун бухгалтерия баланси (1-сон шакл), 90 кундан ортиқ муддатдаги қарзларга доир солиштириш далолатномалари, молиявий натижалар тўғрисида ҳисобот (2-сон шакл), янги ташкил этилган юридик шахслар ҳамда яқка тартибдаги тадбиркорлар, юридик шахс ташкил этмаган ҳолда фаолият юритаётган деҳқон ҳўжаликлари бундан мустасно.

14. Қарз олувчи – кичик тадбиркорлик субъектлари кредит қайтарилишининг таъминоти сифатида банкка қуйидаги таъминот турларидан бирини тақдим этади:

учинчи шахс кафиллиги;

суғурта полислари;

кредит ҳисобига сотиб олинаётган мол-мулклар;

Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувватлаш давлат жамғармасининг (бундан буён матнда Жамғарма деб юритилади) кафиллиги;

қонун ҳужжатлари доирасидаги бошқа таъминот турлари.

15. Тижорат банклари ўзларининг ички кредит сиёсатига мувофиқ қарз олувчи – кичик тадбиркорлик субъектларига мазкур Низомнинг 14-бандида назарда тутилган таъминот турларини талаб қилмасдан энг кам иш ҳақининг 150 бараваригача бўлган миқдорда бланкли (ишончли) микрокредит бериш ҳуқуқига эга.

Бунда банкка қарз олувчи томонидан муайян даромадга эгалигини тасдиқловчи ҳужжат тақдим этилади, банк томонидан олинган микрокредитни қайтармаслик хатари суғурта қилинади.

4-боб. Дастур координаторлари ҳулосаси асосида имтиёзли кредитлар ажратиш

16. Туман ва шаҳарларда самарадорлиги юқори ва барқарор иш ўринлари яратиш имконияти мавжуд лойиҳаларга (бундан буён матнда самарали лойиҳалар деб юритилади) дастур доирасидаги ресурслар ҳисобидан энг кам иш ҳақининг 1000 бараваридан ортиқ миқдорда йиллик 7 фоиз ставкада имтиёзли кредит ажратилиши мумкин.

17. Самарали лойиҳалар тегишли ҳудудий ишчи гуруҳлар томонидан танлаб олинади ва ушбу лойиҳанинг ҳақиқатдан мазкур ҳудудни ижтимоий-иқтисодий ривожлантиришдаги аҳамияти қайд этилган ҳолда имтиёзли кредитлашга ҳулоса тайёрланади ва ҳулоса ишчи гуруҳларнинг барча аъзолари томонидан имзоланади.

18. Ҳудудий ишчи гуруҳларнинг самарали

лойихани амалга ошириш бўйича хулосаси ташкилий мувофиқлаштирувчи ишчи гуруҳларга имтиёзли кредит ажратиш учун қарор қабул қилишга тақдим этилади.

19. Ташкилий мувофиқлаштирувчи ишчи гуруҳлар ҳудудий ишчи гуруҳларнинг хулосаси асосида қарор қабул қилишдан олдин, самарали лойихани жойида тегишли мутахассисларни жалб этган ҳолда батафсил ўрганиши шарт.

20. Ташкилий мувофиқлаштирувчи ишчи гуруҳлар томонидан самарали лойихани имтиёзли кредитлаш бўйича қарор қабул қилишда куйидагилар асослан-тирилиши зарур:

самарали лойихани тегишли ҳудудни ижтимоий-иқтисодий ривожлантиришдаги аҳамияти;

самарали лойиха ташаббускорининг лойихани амалга оширишдаги тажрибаси, обрўси;

банк орқали амалга оширган пул айланмаси микдори, дебитор ва кредитор қарздорликлари, кредит тарихи;

самарали лойихани амалга ошириш натижасида ишлаб чиқариладиган маҳсулот ва кўрсатиладиган хизматлар ҳажми, яратиладиган янги иш ўринлари.

21. Ташкилий мувофиқлаштирувчи ишчи гуруҳларнинг самарали лойихани имтиёзли кредитлаш бўйича қарори дастур координаторларига яқуний хулоса бериш учун тақдим этилади.

22. Дастур координаторлари самарали лойихани имтиёзли кредитлашга рухсат бериш бўйича ташкилий мувофиқлаштирувчи ишчи гуруҳларнинг қарори асосида яқуний хулоса чиқаради ва ижобий хулоса берилгандан сўнг ушбу хулоса тегишли хизмат кўрсатувчи тижорат банкига тақдим этилади.

23. Тижорат банки дастур координаторларининг самарали лойихани имтиёзли кредитлашга берган хулосасига мувофиқ банкнинг ички кредит сиёсати асосида кредит ажратиш масаласини кўриб чиқиб, тегишли қарор қабул қилади.

5-боб. Дастур доирасида тижорат банкларининг ўз маблағлари ҳисобидан кредит ажратиш

24. Дастур доирасида тижорат банклари томонидан ўз маблағлари ҳисобидан бериладиган кредитлар Жамғарманинг хизматларидан кенг фойдаланилган ҳолда ажратилиши мумкин.

25. Тижорат банклари филиаллари томонидан кичик тадбиркорлик субъектларининг лойиҳаларини молиялаштиришга кредитлар ажратилганда Жамғарманинг фоиз харажатларини қоплаш учун компенсацияси қабул қилинади.

Бунда, ташкилий мувофиқлаштирувчи ишчи гуруҳлар Жамғармани бошқариш бўйича Кенгашга тадбиркорлик субъектларига ажратиладиган кредитлар бўйича фоиз харажатларини қоплаш учун компенсация бериладиган йўналишларни кенгайтириш юзасидан тақлифлар киритиб боради.

26. Жамғармани бошқариш бўйича Кенгаш ташкилий мувофиқлаштирувчи ишчи гуруҳларнинг тақлифларини кўриб чиқиб, банк кредитлари бўйича фоиз харажатларни қоплаш учун компенсация Жамғармани бошқариш бўйича Кенгаш томонидан тасдиқланадиган

тадбиркорлик фаолиятининг устувор йўналишларига ва ставкаларга мувофиқ берилади.

6-боб. Кредит ажратиш тўғрисидаги аризаларини кўриб чиқиш

27. Қарз олувчининг аризаси келиб тушган кундан бошлаб, тижорат банки томонидан уч иш кунидан ошмаган муддатда ушбу ариза бўйича асослан-тирилган қарор қабул қилинади.

28. Кредит бериш тўғрисида ижобий қарор қабул қилинганда, қарз олувчи ва тижорат банки ўртасида кредит шартномаси тузилади.

29. Тижорат банкнинг қарори кредит бериш ёки уни беришни рад этиш учун асос ҳисобланади.

30. Тижорат банки кредит беришни рад этган тақдирда, банк қарз олувчига ҳамда тавсифнома берган тегишли секторлар раҳбарларига ва маҳалла фуқаролар йиғинига бу ҳақда кейинги иш кунидан кечиктирмаган ҳолда ёзма шаклда асослан-тирилган маълумот тақдим этади.

31. Дастур доирасидаги ресурслар ҳисобидан имтиёзли кредит ажратишда тижорат банкнинг маълум бир филиалида маблағлар етимаган тақдирда бошқа бир филиалида мавжуд маблағлар тижорат банкнинг вилоят бўлини маси томонидан туман ва шаҳар филиалларига қайта тақсимланади.

7-боб. Кредитларни ажратиш ва уларни қайтариш

32. Кредитлар қарз олувчига алоҳида кредит ҳисобварағи очиш ва унинг тўлов топшириқномаларига мувофиқ, ушбу ҳисобварақдан нақд пулсиз шаклда пул ўтказиш йўли билан берилади.

33. Қарз олувчи – жисмоний шахсларга имтиёзли микрокредитлар ажратилаётган лойиҳанинг ўзига хос жиҳатлари, кредит ҳисобига олинадиган товарни пул ўтказиш йўли билан сотиб олиш имконияти бўлмаган ҳолда ҳудудий ишчи гуруҳларнинг бу ҳақидаги хулосасига асосан микрокредитнинг бир қисми нақд пулда берилиши мумкин.

34. Қарз олувчи кредит ҳамда унга ҳисобланган фоизларни нақд пулда, банк пластик карточкалари орқали ёки қарз олувчининг ҳисобварағидан пул ўтказиб бериш йўли билан тўлаши мумкин.

35. Олинган кредитдан бошқа мақсадда фойдаланилганлик аниқланган тақдирда, банк кредит шартномасида белгиланган тартибда кредитнинг мақсадсиз ишлатилган қисмини қарз олувчидан муддатидан илгари ундириб олиш ҳуқуқига эга.

36. Қарз олувчи – жисмоний шахслар томонидан кредит бўйича асосий қарз ва унга ҳисобланган фоизлар тўланмаган тақдирда, банк филиали тавсиянома берган тегишли сектор раҳбарларига ва маҳалла фуқаролар йиғинига амалий ёрдам сўраб мурожаат қилиши зарур.

8-боб. Яқуний қоида

37. Ушбу Низом талабларини бузишда айбдор шахслар қонун ҳужжатларида белгиланган тартибда жавобгар бўладилар.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

«Тижорат банкларида касса ишини ташкил этиш, инкассация ва қимматликларни ташишга доир йўриқномани тасдиқлаш тўғрисида»ги қарор, шунингдек, унга ўзгартириш ва қўшимчаларни ўз кучини йўқотган деб топиш ҳақида

Ўзбекистон Республикаси Адлия вазирлигида 2018 йил 29 июнь кунини 1831-7-сон билан давлат рўйхатидан ўтказилди.

Ўзбекистон Республикасининг «Ўзбекистон Республикасининг Марказий банки тўғрисида»ги Қонунига мувофиқ, Ўзбекистон Республикаси Марказий банки Бошқаруви ҚАРОР ҚИЛАДИ:

Ўзбекистон Республикаси
Марказий банки Раиси
Тошкент ш.,
2018 йил 28 апрель, 16/20-сон

1. Айрим идоравий норматив-ҳуқуқий ҳужжатлар иловага мувофиқ ўз кучини йўқотган деб топилсин.

2. Мазкур қарор расмий эълон қилинган кундан эътиборан кучга киради.

М.НУРМУРАТОВ

Ўзбекистон Республикаси
Марказий банки Бошқарувининг
2018 йил 28 апрелдаги
16/20-сонли қарорига
ИЛОВА

Ўз кучини йўқотган деб топилаётган идоравий норматив-ҳуқуқий ҳужжатлар рўйхати

1. Ўзбекистон Республикаси Марказий банки Бошқарувининг 2008 йил 17 майдаги «Тижорат банкларида касса ишини ташкил этиш, инкассация ва қимматликларни ташишга доир йўриқномани тасдиқлаш тўғрисида»ги 12/2-сонли қарори (рўйхат рақами 1831, 2008 йил 27 июнь) (Ўзбекистон Республикаси қонун ҳужжатлари тўплами, 2008 й., 26-27-сон, 258-модда).

2. Ўзбекистон Республикаси Марказий банки Бошқарувининг 2009 йил 27 июндаги «Тижорат банкларида касса ишини ташкил этиш, инкассация ва қимматликларни ташишга доир йўриқномага ўзгартириш ва қўшимчалар киритиш тўғрисида»ги 19/3-сонли қарори (рўйхат рақами 1831-1, 2009 йил 10 июль) (Ўзбекистон Республикаси қонун ҳужжатлари тўплами, 2009 й., 29-сон, 338-модда).

3. Ўзбекистон Республикаси Марказий банки Бошқарувининг 2011 йил 11 июндаги «Тижорат банкларида касса ишини ташкил этиш, инкассация ва қимматликларни ташишга доир йўриқномага ўзгартириш ва қўшимчалар киритиш ҳақида»ги 17/5-сонли қарори (рўйхат рақами 1831-2, 2011 йил 21 июль) (Ўзбекистон Республикаси қонун ҳужжатлари тўплами, 2011 й., 29-сон, 310-модда).

4. Ўзбекистон Республикаси Марказий банки Бошқарувининг 2011 йил 10 сентябрдаги «Тижорат банкларида касса ишини ташкил этиш, инкассация ва қимматликларни ташишга доир йўриқномага

қўшимчалар киритиш ҳақида»ги 26/2-сонли қарори (рўйхат рақами 1831-3, 2011 йил 6 октябрь) (Ўзбекистон Республикаси қонун ҳужжатлари тўплами, 2011 й., 40-сон, 445-модда).

5. Ўзбекистон Республикаси Марказий банки Бошқарувининг 2017 йил 6 майдаги «Тижорат банкларида касса ишини ташкил этиш, инкассация ва қимматликларни ташишга доир йўриқномага ўзгартириш ва қўшимчалар киритиш ҳақида»ги 9/1-сонли қарори (рўйхат рақами 1831-4, 2017 йил 14 июнь) (Ўзбекистон Республикаси қонун ҳужжатлари тўплами, 2017 й., 24-сон, 508-модда).

6. Ўзбекистон Республикаси Марказий банки Бошқарувининг 2017 йил 18 июлдаги «Тижорат банкларида касса ишини ташкил этиш, инкассация ва қимматликларни ташишга доир йўриқномага ўзгартиришлар киритиш ҳақида»ги 17/1-сонли қарори (рўйхат рақами 1831-5, 2017 йил 9 август) (Ўзбекистон Республикаси қонун ҳужжатлари тўплами, 2017 й., 32-сон, 823-модда).

7. Ўзбекистон Республикаси Марказий банки Бошқарувининг 2017 йил 21 октябрдаги «Тижорат банкларида касса ишини ташкил этиш, инкассация ва қимматликларни ташишга доир йўриқномага ўзгартиришлар ва қўшимча киритиш ҳақида»ги 28/4-сонли қарори (рўйхат рақами 1831-6, 2017 йил 7 ноябрь) (Ўзбекистон Республикаси қонун ҳужжатлари тўплами, 2017 й., 45-сон, 1124-модда).

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ
ҚАРОРИ

Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисидаги низомни тасдиқлаш ҳақида

*Ўзбекистон Республикаси Адлия вазирлигида 2018 йил 2 июль куни
3030-сон билан давлат рўйхатидан ўтказилди.*

Ўзбекистон Республикасининг «Ўзбекистон Республикасининг Марказий банки тўғрисида»ги Қонуни ва Ўзбекистон Республикаси Президентининг 2018 йил 23 мартдаги «Банк хизматлари оммабоплигини ошириш бўйича қўшимча чора-тадбирлар тўғрисида»ги 3620-сонли қарорига мувофиқ, Марказий банк Бошқаруви ҚАРОР ҚИЛАДИ:

**Ўзбекистон Республикаси
Марказий банки Раиси**
Тошкент ш.,
2018 йил 28 апрель, 16/18-сон

М.НУРМУРАТОВ

*Ўзбекистон Республикаси
Марказий банки Бошқарувининг
2018 йил 28 апрелдаги 16/18-сонли қарорига
ИЛОВА*

**Банк хизматлари истеъмолчилари билан ўзаро муносабатларни
амалга оширишда тижорат банкларининг фаолиятига қўйиладиган
минимал талаблар тўғрисида
НИЗОМ**

Мазкур Низом Ўзбекистон Республикасининг «Ўзбекистон Республикасининг Марказий банки тўғрисида»ги Қонуни ҳамда Ўзбекистон Республикаси Президентининг 2018 йил 23 мартдаги ПҚ-3620-сон «Банк хизматлари оммабоплигини ошириш бўйича қўшимча чора-тадбирлар тўғрисида»ги қарорига мувофиқ, банк хизматлари истеъмолчиларининг ҳуқуқ ва манфаатларини ҳимоялаш мақсадида банк хизматлари истеъмолчилари (бундан буён матнда истеъмолчилар деб юритилади) билан муносабатларни амалга оширишда тижорат банкларининг (бундан буён матнда банк деб юритилади) фаолиятига қўйиладиган минимал талабларни белгилайди.

1-боб. Умумий қоидалар

1. Мазкур Низомда куйидаги асосий тушунчалардан фойдаланилади:

истеъмолчилар - банк хизматидан фойдаланиш истагида банкка мурожаат қилган, ушбу хизматдан фойдаланаётган ёки олдин фойдаланган жисмоний ёки юридик шахслар;

шахсий кабинет - банкнинг расмий веб-сайтида жойлаштирилган, истеъмолчига банк хизматини кўрсатиш шартномаси бўйича ўз мажбуриятларини бажариши юзасидан ахборот олиш, шунингдек, Интернет тармоғидан фойдаланган ҳолда хабарлар ал-

1. Банк хизматлари истеъмолчилари билан ўзаро муносабатларни амалга оширишда тижорат банкларининг фаолиятига қўйиладиган минимал талаблар тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан уч ойдан кейин кучга қиради.

машиш орқали банк билан ўзаро ҳамкорлик қилиш имконини берувчи ахборот ресурси;

мурожаат - истеъмолчи (ёки унинг вакили) томонидан оғзаки, ёзма ёки электрон шаклда банкка юборилган банк хизматларини кўрсатишга тааллуқли ариза, шикоят ёки таклиф.

2. Истеъмолчилар банк ва банк хизматларини эркин танлаш ҳуқуқига эга.

Банк томонидан бир хизматнинг истеъмолчига қўшимча хизматдан фойдаланиш шarti билан кўрсатилиши тақиқланади.

3. Банк хизматлари банк ва истеъмолчи ўртасида тузилган шартномага мувофиқ кўрсатилади.

Шартномаларининг матни истеъмолчилар тушуниши учун аниқ ва содда тарзда баён этилиши ва компьютер воситасида босиб чиқаришда «Times new Roman» 12 ўлчамли шрифтдан кам бўлмаган ёки шунга ўхшаш шрифтни қўллаган ҳолда Microsoft Word матн редакторидан фойдаланилиши лозим.

Истеъмолчилар танловига кўра шартнома матни давлат ёки рус тилида тузилиши мумкин.

2-боб. Истеъмолчига ахборот беришнинг минимал талаблари

1-§. Маълумотлар беришнинг умумий минимал талаблари

4. Банк томонидан кўрсатиладиган барча хизмат-

лар тўғрисида маълумотлар истеъмолчига ошкор этилиши лозим.

Хизматлар тўғрисидаги маълумотлар тижорат ёки банк сирини ўз ичига олмаслиги зарур.

5. Банк хизматларини тақдим этиш шартларининг ўзгариши ҳақидаги маълумот банкнинг расмий веб-сайтида жойлаштирилиши ҳамда банкнинг ахборот стендларида доимий равишда жойлаштирилиб борилиши керак.

6. Истеъмолчиларга банк хизматлари тўғрисидаги маълумотлар шартномалар тузилишидан аввал бепул тақдим этилиши ва таништирилиши шарт.

7. Банк томонидан истеъмолчиларга банк хизматлари тўғрисидаги маълумотлар давлат ва рус тилларида етказилади. Банк хизматлари тўғрисидаги маълумотларнинг матни лўнда, оддий ва равон тилда баён этилиши керак.

8. Истеъмолчиларга банк томонидан кўрсатиладиган хизматлар тўлиқ ва тўғри тушунтирилиши лозим.

Банк хизматлари тўғрисидаги маълумотлар қоғоз шаклда берилганда «Times New Roman» 12 ўлчамли шрифддан кам бўлмаган ёки шунга ўхшаш шрифтни қўллаган ҳолда Microsoft Word матн редакторидан фойдаланиши керак.

9. Банк томонидан кредит бўйича хизмат кўрсатиш даврида истеъмолчининг оғзаки ёки ёзма сўрови олинган кундан эътиборан бир иш куни ичида унга куйидаги ахборотлар ёзма шаклда ойда бир марта бепул тақдим этилади:

кредитлаш лимити;

кредит бўйича тўланган пул маблағлари суммаси; асосий сумма бўйича қарз қолдиғи;

навбатдаги тўловларнинг миқдори, таркиби ва муддатлари (тўловлар жадвали);

кредитни муддатидан олдин қисман ёки тўлиқ сўндириш истаги билдирилган тақдирда тўлаш лозим бўлган суммалар миқдори;

муддати ўтказиб юборилган қарздорлик миқдори ва таркиби;

келиб тушаётган пул маблағлари кредит бўйича қарзни сўндиришга йўналтирилиши ҳақида ахборотлар.

10. Банк истеъмолчининг талабига кўра куйидаги ҳужжатларнинг банк томонидан тасдиқланган нусхаларини бепул (битта банк хизматини кўрсатиш шартномаси бўйича бир марта) беришга мажбур:

банк ва истеъмолчи томонидан имзоланган банк хизматини кўрсатиш ҳақидаги шартномасини;

истеъмолчи томонидан берилган ариза (агар қонун ҳужжатларига мувофиқ бундай аризанинг расмийлаштирилиши мажбури бўлса ёки банкнинг ички қоидаларига асосан банк хизматини кўрсатиш тўғрисидаги шартномани тузиш чоғида бундай аризани расмийлаштирилиши шарт бўлганда);

истеъмолчига кредит берилганлигини тасдиқловчи ҳужжат (ордер, тўлов топшириқномаси, электрон тўлов воситасига пул маблағлари ўтказилганлиги тўғрисида маълумотнома);

кредит шартномалари бўйича истеъмолчи томонидан мажбуриятлари тўлиқ бажарилганлигини тасдиқловчи ҳужжат (маълумотнома).

Банк истеъмолчининг талабига кўра мазкур бандда назарда тутилган ҳужжатларни уларни тайёрлаш харажатларидан ошмайдиган ҳақ эвазига чекланмаган тарзда тақдим этиши мумкин. Бундай ҳужжатларни тақдим этишнинг имкони мавжуд бўлмаган тақдирда, бу ҳақида банк томонидан истеъмолчига асосли равишда ёзма хабар берилиши керак.

11. Банк истеъмолчиларга маълумот бериш учун банк хизматини кўрсатиш шартномасини тузиш чоғида улар билан боғланиш алоқа воситаларини келишиб олиши ва ушбу алоқа воситалари орқали боғланиш имкониятини таъминлаши лозим.

12. Истеъмолчининг тегишли сўрови банкда рўйхатдан ўтказилган кундан бошлаб ўн иш куни ичида банк хизматини кўрсатиш ҳақидаги шартнома, истеъмолчи томонидан берилган ариза ва истеъмолчига кредит берилганлигини тасдиқловчи ҳужжат ҳамда бир иш куни ичида кредит шартномалари бўйича истеъмолчи томонидан мажбуриятлари тўлиқ бажарилганлигини тасдиқловчи ҳужжат тақдим этилади.

2-§. Банкнинг расмий веб-сайтида ахборот бериш хусусиятлари

13. Банк ўзининг расмий веб-сайтига эга бўлиши шарт.

14. Банкнинг расмий веб-сайтида сайтнинг тузилишини баён этувчи, ушбу тузилмадаги расмий веб-сайтнинг ҳар бир саҳифаси жойлашган жойни қулай шаклда аниқлаш имконини берувчи бўлим бўлиши керак.

15. Банкнинг расмий веб-сайти Ўзбекистон Республикаси Вазирлар Маҳкамасининг 2014 йил 2 июлдаги 176-сон қарори билан тасдиқланган Акциядорлик жамиятларининг корпоратив веб-сайтларига қўйиладиган талаблар тўғрисидаги низомга мувофиқ бўлиши керак.

16. Банкнинг расмий веб-сайтидаги ахборотдан фойдаланишда:

истеъмолчилар зарур маълумотлардан хоҳлаган пайтида танишиб чиқиш ва ундан фойдаланиш имконига эга бўлиши керак. Маълумот билан танишганлик ёки ундан бошқача тарзда фойдаланганлик учун ҳақ ундирилмаслиги ҳамда бошқа чекловлар қўйилмаслиги лозим;

истеъмолчи маълумот билан бепул ва кенг тарқалган дастурий таъминот ёрдамида фойдаланиш имконига эга бўлиши лозим;

ахборот шифрланган ёки бошқа воситалар орқали ҳимояланган бўлмаслиги керак;

банк ўз расмий веб-сайтида жойлаштирилган ахборотдан (истеъмолчининг шахсий кабинетига жойлаштирилган ахборотдан ташқари) фойдаланиш учун истеъмолчидан рўйхатдан ўтиш ёки шахсий маълумотларини тақдим этишини, шунингдек, у билан турли хил битимлар тузишни талаб қилишга ҳақли эмас.

17. Банк расмий веб-сайтининг мазкур банк ва кўрсатилаётган банкхизматлари шартлари тўғрисида ахборотларни ўз ичига олган бўлимига веб-сайтининг бош саҳифасидан гиперҳавоалар орқали бир ўтишда кириш учун имкони яратилган бўлиши керак.

18. Банк истеъмолчига унинг шахсий кабинетига кредит шартномаси бўйича истеъмолчи билан тузилган шартнома ва унга киритилган ўзгартиришлар ҳамда мазкур Низомнинг 9-бандида кўрсатилган маълумотлардан фойдаланиш имкониятини таъминлаб бериши шарт.

3-§. Банк фаолиятига оид реклама тусидаги ахборотлар бериш

19. Реклама тусидаги ахборот истеъмолчининг ишончини суиистеъмол қилмайдиган тарзда ва (ёки) истеъмолчининг тажрибаси ва билими етишмаслигидан фойдаланишни кўзламаган ҳолда тақдим этилиши лозим.

20. Реклама тусидаги ахборот бевосита ёки билвосита, икки хил маънода қўллаш ёки ошириб кўрсатиш воситасида истеъмолчини чалғитиши, хусусан банк хизматининг шартлари юзасидан истеъмолчининг танловига таъсир ўтказмаслиги керак.

21. Реклама берувчи банк Интернет тармоғида контекстли рекламани жойлаштиришда бошқа кредит ташкилотининг фирма номи ва (ёки) товар белгисидан калит сўзлар сифатида фойдаланиши мумкин эмас.

22. Реклама берувчи банк истеъмолчига нотўғри ахборот тақдим этилишига йўл қўймаслик мақсадида ўз расмий веб-сайтини бошқа кредит ташкилотининг илгари эълон қилинган расмий веб-сайтига ўхшатиб ниқобламаслиги керак.

4-§. Истеъмолчига бериладиган ахборотнинг минимал ҳажми

23. Банкнинг ахборот стендларида ва расмий веб-сайтида қуйидаги ахборотлар жойлаштирилиши шарт:

банкнинг тўлиқ ва қисқартирилган номи, манзили, филиаллари манзиллари, иш вақти, боғланиш учун алоқа телефонлари, расмий веб-сайти ва электрон почта манзили;

мазкур Низомнинг матни;

истеъмолчиларга банк хизматларини кўрсатиш тартиби, шартлари ва қиймати, шу жумладан, банк

хизмати бўйича шартнома ва бошқа ҳужжатлар шартларини изоҳлаб берилган матни;

банк операциялари бўйича тарифлар, фоиз ставкалари ва воситачилик ҳақлари тўғрисида;

истеъмолчилар мурожаатларини кўриб чиқиш тартиби, шу жумладан, мурожаат қилиш усуллари ва улар йўлланадиган манзиллар тўғрисида;

истеъмолчининг ҳуқуқларини ҳимоя қилиш усуллари, шу жумладан, низоми судгача ҳал этиш имконияти ва усуллари ҳақида.

24. Банк истеъмолчини тарафларнинг ҳуқуқлари, мажбуриятлари ва жавобгарлиги ҳақида хабардор қилиши, шунингдек, истеъмолчининг талабига кўра мазкур Низомнинг 23-бандида кўрсатилган ахборотни тақдим этиши шарт.

Тақдим этилаётган хизматларнинг шартлари ва қиймати ҳақидаги ахборотни беришни рад этишга йўл қўйилмайди.

25. Банк омонати шартномаси шартларига омонатчининг ҳуқуқ ва қонуний манфаатларига дахл қиладиган ўзгартиришларни банк томонидан бир томонлама киритилишига йўл қўйилмайди.

26. Банк омонати шартномаси тузилгунга қадар банк истеъмолчига оғзаки тарзда қуйидаги ахборотни тақдим этади:

омонат тури (талаб қилиб олгунча, мuddатли, жамғарма); омонат мuddати (мавжуд бўлганда); омонатнинг энг кам суммаси; муқофот ставкалари;

қўшимча битим тузмаган ҳолда омонат мuddатини узайтириш шартлари; омонатни тўлдириш имконияти; омонатни тўлиқ ёки қисман мuddатидан олдин қайтариб олиш шартлари; банк омонати шартномаси бўйича назарда тутилган банк ва истеъмолчининг ҳуқуқ ва мажбуриятлари, уларнинг жавобгарлиги тўғрисида.

26. Кредит шартномаси тузилгунга қадар банк истеъмолчига қуйидаги ахборотни тақдим этади:

кредитнинг энг кўп миқдори ва валютаси, шу жумладан, чет эл валютаси билан боғлиқ эҳтимолий таваккалчиликлари (чет эл валютаси бўйича курслар ўзгариши натижасида юзага келадиган молиявий йўқотиш билан боғлиқ таваккалчилик) ҳақида оғохлантиради;

кредитдан фойдаланиш мuddати;

фоиз ставкасининг йиллик номинал қиймати, шунингдек, истеъмолчи мурожаат қилган санадаги йиллик реал фоиз ставкасининг миқдори;

воситачилик ҳақлари, тарифлар ва кредит олиш ҳамда унга хизмат кўрсатиш билан боғлиқ бўлган бошқа тўловларнинг батафсил рўйхати ва миқдорлари;

кредит шартномаси бўйича мажбуриятлар бажарилмаган тақдирда истеъмолчининг жавобгарлиги ва таваккалчиликлари;

гаровга қўювчи, кафил (кафолат берувчи) ва кре-

дит шартномасининг тарафи ҳисобланган бошқа шахсининг жавобгарлиги;

Банк ва истеъмолчининг ҳуқуқлари ва мажбуриятлари, шу жумладан, муддати ўтказиб юборилган қарздорлиқни ундириш жараёнида истеъмолчининг ҳуқуқлари, шунингдек банк хизматларини кўрсатиш шартномасида кўзда тутилган тарафларнинг жавобгарлиги ҳақидаги маълумотлар.

27. Банк истеъмолчини қуйидаги омилларни ҳисобга олган ҳолда ўз молиявий аҳволини таҳлил қилиши зарурлиги тўғрисида огоҳлантириши лозим:

истеъмолчининг қарз юки жорий молиявий аҳволига мос келиши; банк хизматини кўрсатиш шартномасида кўрсатилган мажбуриятларини бажариши учун тахминан қайси муддатларда ва қанча миқдорда пул маблағлари келиб тушиши кутилаётганлиги (масалан, жисмоний шахслар учун - иш ҳақи тўланиши, бошқа даромадлар олиши даврийлиги);

кредит шартномаси бўйича ўз мажбуриятларини бажара олмаслигига олиб келиши мумкин бўлган энгиб бўлмас куч таъсиридаги вазиятлар ва бошқа ҳолатлар юз бериши эҳтимоли (шу жумладан, жисмоний шахслар учун - ишини йўқотиш, ўзига боғлиқ бўлмаган сабабларга кўра иш ҳақи ва бошқа турдаги даромадларни кечикиби олиши, ишга жойлашиши, соғлиғининг ёмонлашганлиги натижасида даромадларининг тушиб кетиши).

28. Банк истеъмолчи кредит шартномаси бўйича ўз мажбуриятларини лозим даражада бажармаслиги билан боғлиқ таваккалчиликлар тўғрисида, шу жумладан, истеъмолчига нисбатан мажбуриятларни бузганлиги учун қўлланиладиган неустойка (жарима, пеня) ва уларнинг натижасида истеъмолчининг харажатлари суммаси ошиши эҳтимоли тўғрисида ахборот беради.

29. Банк сўровига жавобан истеъмолчи томонидан тақдим этилган маълумотлар - тузилаётган кредит шартномасининг шартларига таъсир кўрсатиши мумкинлиги ҳақида истеъмолчи огоҳлантирилиши зарур.

3-боб. Банкнинг истеъмолчи билан муносабатларни ташкил этиши

1-§. Банк томонидан истеъмолчи билан муносабатларни амалга оширишнинг асосий қоидалари

31. Истеъмолчида банк хизматини кўрсатиш шартномаси бўйича тарафларнинг ўзаро муносабатлари юзасидан саволлар юзага келганда, банк истеъмолчига ушбу саволларнинг моҳияти бўйича асосли жавоб ва бошқа тегишли тушунтиришлар бериши шарт. Бунда, банк истеъмолчиларга қарз тўлашдан бўйин товлаш ва (ёки) уни тўламаганлик учун жавобгарликдан қочишнинг усул ва йўллари қўллаш, шунингдек, бошқа шунга ўхшаш масалалар юзаси-

дан (шу жумладан, бошқа молия ташкилотлар томонидан кўрсатиладиган банк хизматлари бўйича ҳам) маслаҳат бериш билан боғлиқ фаолият билан шуғулланишга ҳақли эмас.

32. Истеъмолчи оғзаки маслаҳат сўраб мурожаат қилганда кутиш муддати ўттиз дақиқадан ошмаслиги шарт.

33. Банк фаолиятида инсофсиз хизмат кўрсатиш амалиётларининг қўлланилишига йўл қўйилмайди, жумладан:

истеъмолчи бошқа кредит ташкилоти билан банк хизматини кўрсатиш шартномасини тузишига тўсқинлик қилиш мақсадида банк томонидан кредит бюросига ёки бошқа ташкилотларга нотўғри ахборот бериш;

истеъмолчи учун мақбул шартларда расмийлаштирилган бошланғич қарзни қайтариш мақсадида уни бошқа кредит шартномасини тузишга рағбатлантириш;

истеъмолчиларнинг қарзи миқдорини оширишга йўналтирилган чора-тадбирларни амалга оширганлиги учун банк ходимларини мукофотлаш ва рағбатлантириш тақиқланади.

34. Истеъмолчиларга кредитлар бўйича хизмат кўрсатаётганда банклар кредитлаш жавобгарлигининг ҳалоллик, шаффофлик, ишончлилик, шерикчилик муносабатлари, иқтисодий манфаатлар ва имкониятларни ҳисобга олиш тамойилларига риоя қилишлари шарт.

35. Банк:

кредит бўйича номинал ва реал фоиз ставкаларни кредит бериш санасидаги эълон қилинган фоиз ставкалари кўрсаткичларидан оширмаслиги (фоиз тўловлари номинал ставка бўйича кредит асосий суммасининг камайиб борадиган қолдигига ҳисоблаб ёзилади);

кредит шартномаси тузилгунга қадар мазкур Низомнинг 27 - 29-бандларига мувофиқ ахборотни истеъмолчига маълум қилиши;

кредит шартномаси тузилгунга қадар қарз олувчининг тўловга қобилиятлиги пухта ўрганиши;

қонун ҳужжатларига мувофиқ истеъмолчидан ундирилиши тақиқланган қўшимча йиғимлар, воситачилик ҳақлари ва бошқа тўловларни кредит шартномаси шартларига киритмаслиги;

кредит ёки лизинг шартномасида шартнома тузилгандан кейин ва миқоз томонидан пул маблағлари олингунга ёхуд лизинг бўйича мол-мулк учун тўлов амалга оширилгунга қадар бўлган даврда истеъмолчининг кредит ёки лизинг олишдан бепул асосда воз кечиш ҳуқуқини назарда тутиши;

кредит шартномасида жарима санкцияларини ундирмаган ҳолда исталган вақтда истеъмолчининг кредитни (лизингни) муддатидан олдин сўндириш ҳуқуқини назарда тутиши;

кредит қарздорлиги бүйича ҳисобланган фоизлар, воситачилик ҳақи ва неустойкаларнинг (пеня, жарималар) энг кўл умумий суммаси қонун ҳужжатларида белгиланган миқдордан ошиб кетмаслигини назорат қилиши;

гаров предмети сифатида қўйилган бирдан-бир турар жой фақат суд тартибда ундирилиши мумкинлигини ва у оммавий савдолар орқали реализация қилинишини (қонун ҳужжатларида назарда тутилган ҳоллар бундан мустасно) истеъмолчига маълум қилиши;

кредит шартномасининг шартларига қарз олувчининг ҳуқуқларини чекланишига ва/ёки мажбуриятларини оширилишига олиб келувчи ўзгартиришларни бир томонлама киритилишига йўл қўйилмаслиги лозим.

36. Кредит бүйича тўловларни кредит шартномаси валютасидан бошқа валютага боғланган ҳолда индексация қилишни назарда тутувчи кредит маҳсулотларидан фойдаланишга йўл қўйилмайди.

37. Банк кредит бүйича қарздорликни ундиришни кредит шартномасида ва қонун ҳужжатларида назарда тутилган тартибда ва асосларда амалга оширади.

Кредит бүйича қарздорликни ундириш мақсадида банк қарздорликни сўндириш зарурлиги ва кредит бүйича мажбуриятлар бажарилмаслигининг оқибатлари ҳақида тегишли тарзда қарздорни хабардор қилади. Қарздорлик тўғрисидаги хабарнома асосий қарз суммаси, ҳисобланган фоизлар, воситачилик ҳақи, неустойка, бошқа тўловлар (агар мавжуд бўлса) кўрсатилган ҳолда қарздорлик миқдори тўғрисида қарздор учун қисқача ахборотни ўз ичига олган бўлиши керак. Хабарномани маҳаллий вақт билан соат 20:00 дан 8:00 гача қўлга топшириш ва у ҳақда телефон воситалари орқали оғзаки эслатмалар қилишга йўл қўйилмайди.

38. Кредит бүйича талабни бошқа банкка ўтказиш фақат қарздорнинг розилиги билан амалга оширилиши мумкин. Қарздорнинг розилигидан қатъи назар, кредит бүйича талабни учинчи шахсларга ўтказиш бүйича банкнинг (кредиторнинг) ҳуқуқини кредит шартномасига киритишга йўл қўйилмайди. Кредит бүйича талабни учинчи шахсга ўтказиш ҳуқуқи алоҳида битим билан расмийлаштирилади.

2-§. Истеъмолчиларга хизмат кўрсатиш бүйича минимал талаблар

39. Банк:

ушбу Низомнинг 23-бандида назарда тутилган, хизмат кўрсатиш жойларида ошкор этиладиган ахборотдан барча истеъмолчилар бутун иш вақти давомида фойдалана олишларига имкон яратиб бериши керак;

ахборот истеъмолчилар учун қулай ва монеликсиз

танишиш имконини берадиган тарзда жойлаштирилишини таъминлаши керак;

истеъмолчилар билан бевосита ишловчи банк ходимларини (бундан буён матнда администраторлар деб юритилади) истеъмолчилар кўра оладиган, ходимнинг фамилияси, исми ва лавозими қайд этилган визуал идентификация воситаларига эга бўлишларини таъминлаши лозим;

банк хизматларини кўрсатиш учун мўлжалланган жойида истеъмолчилар ва ногиронлиги бўлган ҳамда имконияти чекланган истеъмолчилар билан шартномаларни тузиш имкониятини таъминлаши керак.

40. Администраторлар ушбу Низомда назарда тутилган, истеъмолчига бериладиган ахборотнинг минимал ҳажмини содда шаклда тақдим эта олиши, шунингдек истеъмолчининг бундай ахборот қайд этилган банк ҳужжатлари билан танишиши учун имкон яратиши шарт.

Банк администраторларга ушбу Низомнинг 23-бандида кўрсатилган ахборотни олиш, ўрганиш ва янгилаш имкониятини таъминлаши шарт.

4-боб. Қарздорлик юзага келганда банкларнинг истеъмолчилар билан ўзаро муносабатларни амалга ошириш

41. Кредит шартномаси бүйича муддати ўтказиб юборилган қарздорлик юзага келганда, банк истеъмолчи зиммасидаги қарз юки янада ошиб кетишининг олдини олиш мақсадида муддати ўтказиб юборилган қарздорлик юзага келган санадан бошлаб 7 (етти) календарь куни давомида истеъмолчи билан шартномада келишилган ҳар қандай алоқа боғлаш усулларида, шу жумладан электрон алоқа воситаларидан ёки қонун ҳужжатларида назарда тутилган бошқа усуллардан фойдаланиб, истеъмолчига муддати ўтказиб юборилган қарздорлик юзага келганлиги ҳақида сўндириш жадвалини илова қилган ҳолда хабар бериши шарт.

42. Банк қонун ҳужжатлари талабларини ҳисобга олган ҳолда истеъмол кредити шартномаси бүйича истеъмолчини муддати ўтказиб юборилган қарздорликни қайтариш мажбуриятлари бажарилмаганлиги ҳолати, муддати, суммалари, таркиби ва оқибатлари ҳақида хабардор қилиши, истеъмолчидан муддати ўтказиб юборилган қарздорлик юзага келиши сабаблари ҳақида сўраши шарт.

43. Истеъмолчи кредит шартномаси бүйича қарзнинг асосий суммасини қайтариш ва (ёки) фоизларни тўлаш муддатларини бузганда, банк тегишли кредит шартномасида назарда тутилган усулда низони судгача ҳал қилиш юзасидан ўз талабномасини истеъмолчига етказади.

44. Банк йўллайдиган талабномада қуйидаги ахборот кўрсатилган бўлиши керак:

банк номи ва уни идентификациялаш учун етарли маълумотлар;

талабнома тузилган санадаги истеъмолчининг жоржи қарзи миқдори ва таркиби;
қарзни тўлаш усул(лар)и;

талабномада кўрсатилган муддатгача истеъмолчи ўз мажбуриятларини бажармаслиги оқибатлари;
низои суддан ташқари ҳал қилиш усуллари.

45. Банк ва истеъмолчи тарафларнинг ўзаро розилигига кўра қонун ҳужжатларида белгиланган низои ҳал қилишнинг суддан ташқари усуллари, шу жумладан музокаралар ўтказиш орқали, қўллашга ҳақли.

46. Талабномада белгиланган муддатда ўттиз кун ичида истеъмолчи унда кўрсатилган талабларни лозим даражада бажармаганда, банк тегишли талаб билан судга мурожаат қилишга ҳақли.

5-боб. Истеъмолчиларнинг мурожаатларини кўриб чиқишга қўйиладиган талаблар

47. Банк истеъмолчиларнинг мурожаатларини кўриб чиқиш тартибига эга бўлиши керак. Банк истеъмолчиларнинг мурожаатларини кўриб чиқиш тартиби мазкур Низомга ва қонун ҳужжатларига мувофиқ бўлиши керак.

Банк томонидан мурожаатларни кўриб чиқиш тартиби тўғрисидаги маълумотлар банкнинг (филиалнинг) стендларида ва расмий веб-сайтида жойлаштирилган бўлиши лозим.

Истеъмолчининг талабига мувофиқ банк истеъмолчига мурожаатларни кўриб чиқиш тартибини тушунтириб бериши лозим.

Банк мурожаатларни ўз вақтида ва ҳолисона кўриб чиқишини таъминлайди ҳамда унинг натижалари бўйича мурожаат этувчиларни хабардор қилади.

48. Истеъмолчиларнинг барча ёзма ва электрон мурожаатлари ўша куннинг ўзида, иш вақти тугаганидан кейин келиб тушган тақдирда эса, кейинги иш куну мурожаатлар ҳисобини қайд этиш дафтарига рўйхатдан ўтказилиши керак.

Истеъмолчиларнинг мурожаатлари ҳисобини қайд этиш дафтари рақамланган, тикилган ва муҳрланган бўлиши керак.

Истеъмолчиларнинг мурожаатлари ҳисобини қайд этиш дафтари тўлиқ махфийлик ва ахборот хавфсизлиги таъминланган ҳолларда электрон шаклда юритилиши мумкин. Дафтар камида беш йил сақланади.

49. Истеъмолчилардан келган мурожаатлар банк (филиал) раҳбари кўрсатмасига асосан белгиланган ижрочи томонидан кўриб чиқилади.

50. Банк (филиал) раҳбарияти банкнинг расмий веб-сайти ва ахборот стендларида жойлаштирилган жисмоний шахсларни ва юридик шахсларнинг вакиллари қабул қилиш жадвалига мувофиқ истеъмолчиларни шахсан қабул қилишлари шарт. Шахсий

қабул баённома асосида расмийлаштирилиб, истеъмолчи томонидан имзоланади ёки истеъмолчини хабардор қилган ҳолда махсус (аудио ва видео) техника воситалари орқали овозлар ёзиб олиниши ёки видеотасвирга туширилиши мумкин.

51. Истеъмолчиларни шахсий қабул қилиш банкнинг масъул ходими томонидан мунтазам равишда, банк хизматларини кўрсатиш учун мўлжалланган жойда амалга оширилади.

52. Телефон орқали мурожаат этилганда, ушбу мурожаатни кейинчалик кўриб чиқишда фойдаланиш мақсадида истеъмолчини олдиндан хабар қилган ҳолда суҳбат махсус (аудио) техника воситалари орқали ёзиб олиниши мумкин.

53. Банк ходимнинг ҳаракатлари ёки ҳаракатсизлиги устидан келиб тушган мурожаат, шу ходимнинг ўзига кўриб чиқиш учун топширилиши мумкин эмас.

54. Истеъмолчининг мурожаати юзасидан йўлланадиган жавоб хати банк (филиал) раҳбарияти томонидан имзоланиши лозим.

Мурожаатларга жавоблар мумкин қадар мурожаат этилган тилда баён қилинади, жавоблар мурожаатда кўрсатилган ҳар бир масала бўйича ваҳларни инкор этувчи ёки тасдиқловчи аниқ асосларни (заруратга қараб қонун ҳужжатлари нормаларига ҳавола қилинган ҳолда) ўз ичига олган бўлиши керак.

55. Агар банкка бир нечта (икки ёки ундан ортиқ) истеъмолчи томонидан мурожаат этилганда, агар мурожаатда жавобни бошқа шахсга юбориш талаб этилмаган бўлса, мурожаат қилувчиларнинг рўйхатида биринчи кўрсатилган шахсга юборилади.

56. Истеъмолчининг мурожаати асосли деб топилган ҳолларда, банк камчиликларни бартараф этиш, истеъмолчининг қонуний манфаатлари ва ҳуқуқларини тиклаш юзасидан тегишли чораларни кўриши зарур.

57. Банк мурожаатларни кўриб чиқиш бўйича ички назоратни таъминлаши лозим.

58. Банк мунтазам равишда: истеъмолчиларнинг мурожаатларини мониторинг қилади, унда қайд этилган масалаларни ҳамда мурожаатлар динамикасини таҳлил этади, умумлаштиради;

истеъмолчиларнинг мурожаатлари билан ишлашни такомиллаштириш бўйича тавсиялар ишлаб чиқади;

аниқланган камчиликларни бартараф этиш ва келгусида банк фаолиятида бундай камчиликлар тикланмаслигини таъминлаши лозим.

6-боб. Яқуний қоида

59. Мазкур Низом талабларининг бузилишида айбдор бўлган шахслар қонун ҳужжатларида белгиланган тартибда жавобгарликка тортилади.

«Энг фаол ёш банк ходими»

танлов ғолиблари аниқланди



(Давоми. Бошланиши 1-бетда).

– Танлов банк тизимида ёш мутахассисларга уларнинг илғор инновацион ғояларини тарғиб этишга имконият яратиб бераётгани ва бунда улар орасидан билимли, дунёқараши кенг, салоҳиятли, фаол ходимлар саралаб олинаётгани барчамизни хурсанд қилмоқда, – дейди Ўзбекистон давлат муассасалари ва жамоат хизмати ходимлари касаба уюшмаси республика Кенга-

ши раиси А.Абдумухторов. – Чунки, танлов асосида саралаб олинаётган, рағбатлантирилаётган ёш мутахассисларнинг бунёдкор ғоялари банк тизимини янада ривожлантиришга, мамлакатимиз иқтисодиётининг барқарорлигини таъминлашга хизмат қилаётгани биз учун ҳам шараф, ҳам фахрдир.

Жорий йилда танловда 1-ўринни «Қишлоқ қурилиш банк» АТБ лойиҳаларни экспертиза қилиш ва молиялаштириш бўлими бошлиғи Дав-

рон Гаипов қўлга киритди.

2-ўринга Ўзбекистон Республикаси Ташқи иқтисодий фаолият миллий банки халқаро молия муассасалари билан ҳамкорлик қилиш ва хорижий кредит йўналишларини жалб этиш бошқармаси бошлиғи **Мангуберди Абдукаримов** сазовор бўлди.

3-ўрин эса «Orient Finans» ХАТБ Марказий амалиёт филиали кредитлаш бўлими 1-тоифали мутахассиси **Наврўза Мирҳамидова**га насиб этди.

Мангуберди АБДУКАРИМОВ, Ўзмиллийбанкнинг халқаро молия муассасалари билан ҳамкорлик қилиш ва хорижий кредит йўналишларини жалб этиш бошқармаси бошлиғи:

– Инсоният тарихи моддий ва маънавий ресурслар ҳисобига бардавомийлик касб этмоқда. Уларни бир-бирдан фарқлаб, моддий ресурслар чекланганини, маънавийси эса тугалланмас бойлик эканлигини таъкидлаш мумкин.

Магистрлик даражасини Тошкентдаги Сингапур менежментни ривожлантириш институтида олиш насиб этди. У ерда қатор устозларим йўл-йўриғида «Билимларни бошқариш» мавзuida тадқиқот олиб бориб, ушбу беқиёс бойликнинг соҳалар ривожидagi ўрнини чуқур таҳлил этдим.

Ишим бугунги кунда Ўзмиллийбанк раҳбарияти томонидан қўллаб-қувватланмоқда. Банк рақобатбардошлигини ошириш мақсадида кадрлар захирасини кучли билимга эга, иқтидорли ёшлар билан бутлаш савъ-ҳаракатлари олиб борилмоқда. Хорижий молиявий институтлар билан ҳамкорликда тизимда фаолият юритаётган ёш ходимларнинг малака ва салоҳиятини оширишга қаратилган семинар ҳамда тренинглр ташкил қилинмоқда. Уларнинг чет

елда халқаро даражадаги илмий-амалий конференцияларда иштирок этиши, нуфузли банкларда касбий тажриба орттириши таъминланмоқда.

Бугунги давр тижорат банкларидан чакана савдони ривожлантириш, IT-технологияларидан юқори даражада фойдаланиш ҳамда «Ресепшн» хизматини намунали ташкил этишни тақозо этмоқда.

Нима учун? Негаки, тизимга доир айнан ушбу йўналишлар бир пайтнинг ўзида ҳам банклар ўртасида рақобатни кучайтиради, ҳам уларнинг рақобатбардошлигини таъминлайди.

Умуман олганда, айни замонда Ўзбекистон банк тизимида катта ислохотлар олиб борилмоқда. Хусусан, Президентимизнинг ПҚ-3620-сонли қарори билан банк хизматларини ривожлантириб, шу орқали аҳолига қулайликлар яратишга эришилаётган бўлса, ПҚ-3832-сонли қарор асосида кенг жамоатчилик ҳамда хорижий инвесторлар ўртасида тизимга бўлган шаффофлик ва ишонч таъминлини кутилмоқда. Танлов давомида мамлакатимиз банк соҳасидаги мазкур жараёнларга қандай ҳисса қўшим мумкинлигини ўз ғоя ва таклифларим билан ифода этдим.

Назира МАВЛОНОВА.

FINANCEUZ хабар қилади

БАНКЛАРДАН ХАБАРЛАР

ОМОНАТ ОЧМОҚЧИМИСИЗ? СИЗ УЧУН «ТЎҒРИ ТАНЛОВ» БОР!

«Капиталбанк» акциядорлик-тижорат банки томонидан ана шу номдаги хорижий валютада янги муддатли омонат жорий қилинди.

«Биз валюта омонатининг йиллик фоиз ставкасини кўпайтирдик», дейилган банк расмий сайтидаги хабарда. Омонатнинг сақланиш муддати 370 кун, унга қабул қилинадиган бошланғич бадалнинг минимал миқдори 200 АҚШ доллари/еврони ташкил этади.

«Тўғри танлов» бўйича ҳисобварақ очган мижоз ўз омонатини қўшимча маблағлар киритиб бориш ҳисобига шакллантириши ҳамда ҳисобланган фоизларни ҳар ойда олиши мумкин.

«МЕНИНГ ОМОНАТИМ»

«Агробанк» акциядорлик-тижорат банки томонидан шу номдаги янги муддатли омонат амалиётга киритилди.

Депозитнинг сақланиш муддати 6 ва 13 ой (бунда омонат учун ҳисобланадиган фоизлар унинг сақланиш муддатига қараб фарқланади) бўлиб, қабул қилинадиган бошланғич бадал миқдори 3 млн. сўмдир.

«Менинг омонатим» бўйича мижоз ҳам нақд пулда, ҳам пластик картаси орқали ёки амалдаги омонатини қайта расмийлаштириш асосида ҳисобварақ очиши мумкин.

Омонат фоизи кунлик автоматик равишда омонатчи пластик картасига ўтказиб берилади. Қўшимча бадаллар қўшиб бориш мумкин эмас.

«ORIENT FINANS» ХАТБ ВА «MASTERCARD» ДАН ДУБАЙГА ИККИ КИШИЛИК САФАР ЮТУҒИ



«Orient Finans» ХАТБ халқаро пластик картага эга мижозлари учун акция эълон қилди.

Унда 18 ёшга тўлган Ўзбекистон Республикаси фуқаролари иштирок этишлари мумкин.

Акция шартларига кўра, муассаса томонидан муомалага чиқарилган «MasterCard» ёки «Maestro» картаси фойдаланувчиси ўзининг ўтказилиш даврида 50 АҚШ доллари ва ундан ортқ миқдорда транзакцияни амалга ошириб, автоматик равишда мазкур акция иштирокчисига айланиши мумкин.

Унинг мукофот фонди бош соврин сифатида Янги йил байрамини ўтказиш учун Дубай шаҳрига икки кишилик сафар йўлланмасини (яшаш, трансфер, ресторанда кечки овқат) ҳамда хонадон кинотеатри, ноутбук каби қўшимча совринларни ўз ичига олади.

Акция жорий йилнинг 15 июнидан 15 сентябрга қадар (шу кунни ҳам қўшган ҳолда) ўтказилади.

БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ХАМКОРЛАРИМИЗ ВА МУАССИС

Ўзбекистон Республикаси
Марказий банки

«Norma Hamkor» МЧЖ

«Moliya yangiliklari agentligi» МЧЖ

БОШ МУҲАРРИР

Р.Л. ВАЛИЕВ

Нашр учун масъул

З.М. ЭРНАЗАРОВА

ЧОП ЭТИШГА ТАЙЁРЛОВЧИ

«Moliya yangiliklari agentligi» МЧЖ

Газета таҳририятнинг
техник ускуналарида саҳифаланди.

АХБОРОТ КЎМАГИ

ЎЗА, «Туркистон-пресс» НАО

ТАҲРИРИЯТ МАЗИЛИ:

100060, Тошкент ш.,

Шаҳрисабз кўчаси, 23-уй.

e-mail: info@banknews.uz,

www.banknews.uz

Реклама ва эълонлар учун

232-45-32 телефони

орқали мурожаат қилинг.

Факс: 232-43-98.

Нашр индекси – 102.

Таҳририятнинг фақат ёзма розилиғи билан «Банк ахборотномаси»да эълон қилинган материалларни кўчириб босишга ижозат берилмайди. Қўлёзмалар тақриз қилинмайди ва қайтарилмайди.

Газета Ўзбекистон Матбуот ва ахборот агентлиғи томонидан 2012 йил 10 январда 0065-тартиб рақами билан рўйхатга олинган.

Газета ҳафтада бир марта пайшанба кунни чиқади.

Буюртма № г 789.

Адади 3529 нуска.

Нархи шартнома асосида.

Газета А3 ҳажмида, 2 шартли босма табақда

чоп этилди.

Босишга рухсат этилди: 11.07.2018 й., 9.00.

1 2 3 4 5